

臨

平

記

集顏魯公
畫象贊字
光緒甲申
春仲錢塘
丁氏刊



序

臨平乃浙杭一鄉聚耳界于仁和海寧二縣其地有黃鶴白龍桐魚寶鼎之勝產靈育秀鬱爲名區予自戊寅首春應獻廷沈公之招命其幼子謙從予游朝嵐夕月瀹茗論文者四易寒暑遊屐所至竟日忘歸媿予潦倒不文無能一振山川之色甲申冬月以事至臨平謙且疏古事古詩稱臨平記其書自漢至元凡四卷曰事記二附記一詩一蒐剔甚韜辨論亦博準之陳風信古之義良有取焉予故戲之曰男子始生以弧矢射四方否則研京鍊都昌大其文何乃局


臨平記序

一

於方域考核不出里巷對曰謙聞之先生矣修齊本於誠正不亦引而近之乎予無以應嗣後舟車南北會晤甚希今年以祝其母氏復來謙家里中諸公方謀劄劄此書僉以弁言見屬予遂樂而述其始末以見謙淹雅之才及諸公好義之篤東江文獻賴以弗亡苟充其用當未知其止而乃以割雞薄之亦予之失言也已

順治戊子新秋鹽官友祝文襄錦川氏撰

臨平圖
張爾嘉繪



臨平記卷之一

里人沈謙去矜氏輯撰

同里趙基宏元開氏較正
金漢趾振公氏

事記第一

後漢延熙至
宋宣和止

謙曰負才之子詭而譔爲海荒寥渺之書弔詭無稽使人驚怖而聞見或反蔽於鄉里亦可歎矣謙生於臨平春秋二十有五輿圖邊塞諸書咸劉覽焉及出門瞻顧而巷道徑庭亦有不辨其源委者每每自失因擇采舊文研幾古志編

臨平記卷一

一

年紀事輯爲臨平一書自漢至元凡百有六則竊附論焉亦反約之意也然并竈拘虛夏蟲篤時負才之子必有起而笑者聽之矣

又曰謙作臨平事記而有慨焉夫臨平一鎮也僻在杭郡之東地不滿十里戶不滿萬人以視天下之大不幾稊米之在太倉乎欲紀其事而傳之蓋難矣然載在簡筴勒諸金石者班班可攷也或灾祥有關於興亡忠邪乃係乎治亂乘輿之所至兵革之所加準之古法例皆得書至於浮屠之歲月特詳則循彼舊傳漫爲論列非

敢崇長異途有傷文獻也謙於此不無有遺憾焉

又曰京都之作類皆誇其山川美其風俗謙於臨平紀事蓋無去取焉善者固可率繇惡者亦資倣鑒臨平人固當知之天下人亦不外於是矣

又曰自後漢延熙迨亡元至正歷千餘年而得事止此可謂少矣然以一隅論較之他鎮猶靈著焉且記中可以爲勸誡者往往而有所謂一閔之市一卷之書覽者或能尋其說而不至鄙

臨平記卷一

二

夷也夫

又曰單寒之家縹帙不備險奧之地採訪未詳傳疑疏略誠不一而足矣後有志臨平者爲余補闕訂譌余厚幸也臨平厚幸也所謂糠粃在前用深慙恧耳

又曰漆園有言六合之外聖人存而不論六合之內聖人論而不議況鄉里之間孔子恂恂容置喙乎然感發興起不能無言每於事後筆記數語亦以自書其所見耳古云愚者千慮必有一得幸勿以謙顓愚而棄之可也

又曰謙讓此書經始於崇禎癸未三月告成於甲申十二月歲凡再閱稿用三更其間或困於疾厄或疲於亂離墨突孔席幾無一息之暇每當兵火倉卒中輒恐此稿散失乃於愁病之餘勉竣厥事故凡考訂論議卒多未備焉

又曰吾里郭太學紹孔家有書倉人稱學海年且七十矣與謙爲忘年友凡記中事蹟間賴訪求書成而志之固不欲貪其功尤不忍沒其才也

後漢後皇帝延熙十二年吳主權赤烏十二年夏六月吳寶鼎

臨平記卷一

三

出臨平湖

吳志亦烏郡事記事在吳赤烏十二年

年十月

謙曰觀子華子之辨則黃帝之神鼎乃中和之喻也後世之主好高慕大侈爲祥瑞焉卽周王尙遷於洛邑漢帝猶見於汾陰況仲謀乎然考晉中興書曰神鼎者亂則藏於深山文明應運而至仲謀卽雄霸亦安知不爲孫氏哉然王孫滿對楚子曰在德不在鼎則又不能爲權解矣又曰按詩餘有寶鼎現題蓋取臨平湖事郭紹孔詞譜毛先舒填詞名解嘗引爲據南曲譜用

作引子名寶鼎兒誤

晉世祖咸寧元年吳臨平湖出石函吳主改明年為

天璽元年大赦吳郡志臨平湖邊得一石函中

餘刻其上作皇帝字孫皓於是改元為天璽元

年孫盛以為元皇帝中興之符徵五湖之石瑞也

改元吳書於是謙曰印發改元一見於臨平再見於歷陽此吳

主信瑞之過也嗚呼上好禎祥亦何所不至哉

晉世祖咸寧二年秋八月吳臨平湖開綱目吳人曰

臨平湖自漢末葦塞長老言湖塞天下亂湖入

洛之祥也吳主無故忽開此天當太平青蓋入

氣不能達湖之開塞退而告其友曰青蓋入洛

臨平記卷一

四

者銜璧之事也晉書五行志吳孫皓天璽元

年吳郡臨平湖自漢末穢塞是時一夕忽開除

湖開天長老相傳此湖塞天下亂此

書法曰書譏也吳亡距此四年耳君臣上下方

以為祥焉下書晉加羊祜征南大將軍綱目之

垂戒深矣吳臨平湖開而吳亡陳臨平湖開而

陳滅卒不過三四年耳變不虛生信哉

發明曰孫皓淫刑亂殺罪浮於桀而湖開印發

誇以為瑞書之亦以著其狂悖不知滅亡之兆

云耳
田汝成西湖志餘曰杭城之水皆東北向而輸

委於臨平蓋地勢使然也水口浩散得皋亭山
爲之遮攔故氣脈不解又東北爲臨平山其下
爲臨平湖吳赤烏十二年寶鼎見湖中因稱鼎
湖又得小石刻皇帝字因改元天璽晉武帝時
占者謂臨平湖塞天下亂湖開天下平湖又杭
州王氣所關也

謙曰瑞應之事自古有之大要山崩河竭實爲
告凶歲塞開除允稱協氣鼎革之際必有所屬
易曰視履考祥當問其主德何如耳何致誣於
茲湖也

臨平記卷一

晉顯宗成皇帝咸和三年夏五月義興太守顧眾表

臨平范明爲參軍尋遣攻賊破之

晉書眾與虞

賊將張健戰敗還守紫壁時賊黨固銳義軍沮

退人咸勸眾過浙江眾曰不然保爲軍控引無

全錢唐以南五縣若越他境便爲軍地險要

可以非長計也臨平人范明亦謂眾曰此明率宗

黨五百制寇不合諸軍凡四千人復進討健明退於

阿曲謙曰余讀晉書顧眾傳得臨平范參軍一人是

吾里人物之首也方眾之還守紫壁鮮有不勸

其渡江者而明獨不可其熟於經濟堅於斷決
與眾同智矣蘇峻之亂卒賴以平明固能副知

己之望眾亦遂食知人之報哉

安皇帝元興二年冬十月錢唐臨平湖水赤興晉書元

十月錢唐臨平湖水赤桓玄諷吳郡使言開除

以爲已瑞俄而桓玄敗錢唐記桓玄之難臨

謙曰水變占曰水化爲血者好任殘賊殺戮不

辜所致也靈寶不自省悟止其逆謀而尚欲開

爲已瑞顛倒悖亂壹至是哉天子之賊卒爲馮

遷所殺徵也夫

十二月桓玄詐言臨平湖開即皇帝位綱目玄表

帝作手詔固留之詐言錢唐臨平湖開歸藩使

臨平記卷一

六

代謝朗使眾官集禎賀矯乃密令所在臨平湖

除清朗使眾官集禎賀矯乃密令所在臨平湖

聞也始誠相國至德何事爲之應太集覽錢唐

是乎湖開錢唐今杭州志北有目集覽錢唐

謙曰臨平瑞應歷有奇徵然有德者足當之耳

即荒主恃之反以致敗豈詐稱惑眾而能長逞

逆亂哉其智出皓寶下矣

義熙十二年建華嚴院於臨平武林梵刹志廣

挹鼎湖後謁邱山木清茂烟雲晦雜與

晉義熙十二年法師

通所建熙以奉華嚴者

陳後主陳叔寶
冬十一月臨平鎮沈為湖御史胡敏請

建佛寺從之東胡北濛五十餘里碑有記臨平鎮明郡按

宋咸淳志陳後主至德二年仲冬朔其鎮平

沈為湖約方九里許民實之驚駭郡夜聞鎮主

怪之欲命有司以民力世道失御或致損臣

谷變遷乃氣運不嘗也世道失御或致損臣

聞西靜聖人福無為自願治家者宜建梵剎募

尼鎮壓人之可度後主從其請遂命召選二

八寶剎克日玉成金相崇奉如式煥林谷金鈿寶

建應響霄漢玉毫金相崇奉如式煥林谷金鈿寶

以嘉木儼然成錦欄袈裟莊嚴華麗示鎮山

十嘉木儼然成錦欄袈裟莊嚴華麗示鎮山

門遠近聞者莫不望風瞻仰

謙曰臨平鎮平沈為湖即十月之詩所謂高岸

臨平記卷一

為谷也而叔寶莫懲又欲驅民以傷力建寺以

傷財可哀也夫

又曰胡敏既知世道失修而不輔君以正乃反

導以西方佛氏之事亦大謬矣厥後賣寺為奴

敏實啟之也

元禎明冬十一月陳臨平湖開綱目時江南妖異特

然自開陳主惡之乃自賣於佛寺為奴以厭之

書法曰書湖開何紀異也故吳臨平湖開而吳

亡陳臨平湖開而陳滅陳主不知修省自賣為

奴則何益哉

發明曰孫皓丙申之歲臨平湖開綱目特書於冊至庚子歲而吳亡今陳以丁未之歲臨平湖又開至己酉歲而陳滅然則二國之亡乃天數當然非皓叔寶之罪也嗚呼曷不反而求之古乎夫桑穀生朝大戊以興飛雉鳴鼎高宗復古古人遇災而懼責躬修德故能反妖致祥豈以天數已定而遂置人事於不問之域乎向使叔寶因湖開之變痛自警飭擢用人材改紀其政嚴職邊備慄慄危懼若禍至之無日則亦未至遽爾滅亡夫何淫恣不已乃自賣於佛寺以厭

之天道果可以文欺哉綱目書此正所以著其不知恐懼之意耳不然自湖開之後陳主見之修省者果何如耶詩云畏天之威子時保之自古豈有不可回之天意哉

謙曰吳湖開而吳亡陳湖開而陳滅世遂疑湖開爲不祥矣然則父老之言何謂哉予謂不然蓋湖本靈奇時有眞主必先爲瑞應如殷周之甲子關兩姓之興亡者此爲晉武隋文而開非因皓與叔寶也而賣於佛寺爲奴事同景陽辱井雖云有計實乃無心矣

隋煬皇帝大業中臨平明因寺兵焚之胡澗明因寺碑記

中寺罹於兵燹無存

大業末臨平華嚴院燬武林梵刹志隋大業末燬於兵

謙曰煬帝荒游盜賦四起而史無臨平被兵之文今按隋書大業九年秋七月餘杭劉元進兵起相去百里窳無震驚二刹之焚想當其時也臨平之民又一劫矣

唐高宗皇帝咸亨二年有龍鬪於臨平湖唐書孤貧

近臨平湖中有龍鬪傾里閉就觀之無量時年十三讀書晏然不動長精三禮史記後封舒國公志宋吳淑龍賦見臨平而無量摩觀今屬和縣褚無量字洪度臨平人初屬鹽官今屬

臨平記卷一

九

和仁

謙曰金繩玉簡帝舜觀於河津以負圖昭瑞也若亥黃鬪爭事涉駭變蝮蜒蠻觸何足覽焉無量之不動同於子產之無求可謂知哉

中宗皇帝神龍元年臨平掘地得石像萬麻杭州府志像光湖在

臨平唐神龍元年湖有光掘地得彌勒石像乃建寺以像光為額且名其湖

謙曰執大象天下往蓋得諸氣象之間非石彌勒之謂也武嬰以陰邪盜神器斯臨平地有光而掘得石佛也夫

景龍三年冬十一月帝祀南郊修文館學士臨平

褚無量諫皇后不宜助祭唐書中宗將南郊禮

固爭以為周禮無后助祭之文惟漢有天子合祭皇后參享事未代黷神不可為法

謙曰皇后亞獻之議發於祝欽明郭山惲蓋以是時宮幃柄政假此獻諛為遷擢之地耳與宗楚客之竝加尊號何異哉然履霜堅冰君子必慎其始此無量所以據禮固爭也奈何庸主不從卒致神龍毒餅之禍悲夫

玄宗明皇帝開元元年臨平褚無量晉左散騎常侍

兼國子祭酒封舒國公唐書

趙基宏曰舒國名德崇高為唐代儒臣之冠志

臨平記卷一

十

稱故居在臨平湖側洵吾里之傑彥可不特書表見哉

謙曰褚泰仕吳封臨平侯無量豈其苗裔耶厥後曹信父子三世俱以武功顯於時臨平褚曹皆能世濟其美者也

五年春正月太廟四室壞帝如東都左散騎常侍

臨平褚無量上言諫止行幸弗聽綱目上將幸

四室壞上素服避殿以問宋璟蘇頌對曰陛下三年之制未終遽爾行幸恐未契天心故災異為戒愿且停之姚崇曰太廟屋材皆符堅時物朽腐而壞適與行會何足異也百司擬已備物不可失信但遷神主於太極殿更修太廟更厚大喜從之命崇五日一朝入閣供奉恩禮更厚

有大政輒訪焉褚無量言隋文帝富有天下豈
取符氏舊材以立太廟此特諛人之言願陛下
克謹天戒納忠諫遠諛
諛上弗聽遂幸東都

謙曰太廟室壞災異之大者也詎可慢忽天威
遽從游幸況復禮制未終乎而崇以材朽適會
誣罔其君可嗤甚矣無量正色格非有古大臣
風惜哉其不用也

開元中臨平華嚴院僧玄覽請湖為放生池刺史

袁仁敬許之萬麻杭州府志請寺前平湖通洲

時玄覽法師始即其地而恢拓之鑄金銅像三
百五十軀書金字湼槃經二卷千餘卷奉國置
咸極莊嚴法師少俗姓褚氏湖上龍鬪之異公
無量之弟舒公少常讀書湖上騎常侍舒國既

臨平記卷一

顯以太夫人年高歸觀其鄉時從冠蓋出游山
中敘毘季之好人以為榮法師因請湖為放生
池刺史袁仁敬禁民六里不得入網罟司馬楊
敏言復禁十里魚鳥涵泳士民嚮風遂為一方
盛之

謙曰舒公勳德茂著而厥弟玄覽復為高座上
人共敘友于足稱榮樂乃至悲心憫殺惠及飛
潛亦盛舉也

八年春正月右散騎常侍兼國子祭酒舒國公臨

平褚無量卒唐書仁和县志卒年七十五詔

書諡曰文

謙曰玄宗恤念老臣賜諡易名極為榮劭而蘇

頌致歎於徂輝哲人之萎故重傷之矣

二十二年皇后賜金重修臨平明因寺胡澗明因

元二十二年順天翊聖皇后聞陳后主故事賜金二十斤增置舊業煥然一新

謙曰明因爲女冠所棲其教或通於國后賜金

二十宜哉獨怪叔寶金錦袈裟之賜可謂濫而

且惑矣

臨平華嚴院僧玄覽卒武林法師化去學士徐安貞

爲之碑於東廡之下乃唐開元廿三年集賢

法師碑於東廡之下乃唐開元廿三年集賢

士徐安貞諫議大夫褚誨書云師懸解從

其先河南人食錢唐華嚴寺乃師俗緣之地

因昶出家後改今名碑經焚燬今不可讀寺有

臨平記卷一

錄本遂得其詳

謙曰玄覽爲河南後人舒公昆弟雖托根右族

而結念上乘爲吾里沙門之冠徐學士諤文褚

大夫書石量非溢美惜於元時便燬錄本盜得

流傳至今誠足恨也

武宗皇帝會昌中臨平明因寺燬胡澗明因寺碑記

觀四萬餘所明因亦廢爲瓦礫之區按唐書乃會昌五年事

趙憲斌曰武宗燬寺四萬而明因與焉向之金

鈴繡栴者咸灰燼矣此無生之地尚不免於興

廢況市朝城闕必爭者哉所謂有形必壞也

臨平華嚴院燬

武林梵刹志會昌中寺燬碑亦湮沒

宣宗皇帝大中十二年陸同芳濬臨平華嚴院井得

石函

武林梵刹志大中十二年寓陸同芳濬井得石函華嚴經六十一卷遂名華嚴井

捨宅為寺建塔以藏焉

謙曰函經投井發於同芳似有夙緣豈普通法師所遺邪遂至捨宅建標亦高曠土也

十四年春正月建寶幢於臨平

安太平院寶幢碑記唐太宗庚辰正月

甘七日建勾當造幢陳丹都料弘農楊榮吳郡陸弘書鐫徵事即前行吉州廬陵縣尉張襲慶

一文千隋捨綾一疋勾當功德主宣達

謙曰按安隱寺在唐宣宗時名永興院吳越時

臨平記卷一

十二

名安平院至宋治平二年始賜今名耳茲觀幢

碑列勾當都料等職此必敕建無疑第宣宗於

大中十三年己卯八月崩鄆王改明年庚辰為

咸通元年是為懿宗皇帝並無十四年之文金

石史書豈有謬誤者邪

懿宗皇帝咸通三年建法昌寺於臨平山北

成化杭州府志

謙曰自洪武二十四年立天下名刹為叢林其

餘梵舍咸令歸併故陳善萬厯志所載止叢林

最詳其他列名而已此惟成化志最悉謙每託

書郵竟不可得獨廣嚴寺有摘抄者然亦止及

本寺今因其所見筆之他如安隱寶慶所併者
年月不可考矣尚俟覓全本以足之耳

信宗皇帝乾符中臨平曹信起義兵萬麻杭州府志

未盜起信乃糾集義兵以扞鄉邑乾符間杭州
募諸縣鄉兵各千人信與新城杜稜臨安董昌
錢唐劉孟安阮結富陽聞人宇鹽官徐及餘杭
凌文舉號八都後黃巢之亂杭之八都建派而
分者爲十三都
而信屢立戰功

謙曰唐末盜起信等舉八都之兵以保障東南
吾鄉之賴以免鋒鏑者信等之功也當與吳越
王並傳也夫

又曰臨平古稱重鎮凡鎮皆有屯軍故許村稱

臨平記卷一

寨他可類推矣惜兵制古不可考蓋肇見於唐
杭有八都臨平曹信其一也迨高宗南渡建都
於杭城外俱置戍壘臨平蓋爲要地德祐元年
元人果從此入而軍於皋亭焉入明建舖司於
安隱寺西每舖設兵船一兵四人有事則出哨
海門無事則駐防寇賊絕屯戍之擾得捍禦之
嚴誠良法也其近於臨平者有赤岸桐扣石目
蓮花諸舖今漸廢弛用老弱代役檣艫傾摧一
旦竊發恐制之無具可不慎哉

昭宗皇帝乾寧中臨平曹圭與族人師魯平嘉禾

萬麻

杭當州府志圭為曹信之圭少將有生信夢人謂已淮
我圍嘉禾圭與其族人師魯守之圭每與師魯者
曰此雖孤城中有貴人不可圖也圭每與師魯者

登城樓張樂縱飲授蘇州刺史

梁太祖朱**臨平曹圭**平蘇州蘇州府開平中

望夜師魯第盛陳燒燈之宴賊俘執者咸縱觀

謙曰鎮將子圭屢立奇蹟吳人世食其德利益

非淺也前有范明後有曹圭臨平何多名將哉

梁末帝朱瑱建臨平寶月庵仁和县志

吳越王錢鏐建大安院於臨平山成化仁州府

志在臨平山小

臨平記卷一

謙曰梁武手定天下而極佞佛佛圖澄一釋子

耳能斷決軍國扶獎後趙豈佛道有通於兵道

邪錢武肅强弩射潮為東南萬姓之保障而亦

喜建佛寺豈真佛道有通於兵道邪

唐宗皇帝李春三月吳越王錢鏐卒子元瓘嗣以

臨平曹仲達權知政事尋拜丞相萬麻仲州府

之子生於臨平室有紫光與僕隸等又日飲食

雖嚴冬尚未挾纊品膳悉與隸等及將親

迎途由姑蘇與仲達求奇於睦州陳詢累授台親

拜虞二州刺史錢瓘見而命之達權知政事諸國建

軍中丞相佐嗣元瓘仲達攝政事諸國建

能制仲達諭之皆釋仗致拜仲達性仁厚好施

食不兼味元瓘重之呼丞相而不名卒諡安成

謙曰天生貴人必有瑞應此仲達生而臨平有紫光也嗣後豐功偉業為吳越之名臣豈偶然也哉

唐潞王李從珂泰元年吳越王錢元瓘建安平寺於臨平山萬

杭州府志

二年吳越王錢元瓘建佛院於臨平桐扣山萬

晉高祖皇帝石敬瑭天福三年吳越王錢元瓘建明覺院於臨平佛

日塢萬

秋八月吳越王錢元瓘卒子弘佐嗣丞相臨平

臨平記卷一

曹仲達復攝政事萬

周璉建恩平寺於臨平桐扣山成

七年吳越王錢弘佐建佛日院於臨平桐扣山萬

府志

武林梵刹志曰佛日寺在皋亭山北為明教嵩禪師道場近桐扣寺前有渥洼池徑下有大松四株皆唐宋舊物寺廢土人斫伐時見幞頭紅袍者惶怖走避至今存萬厓間重建亦名佛日塢溪流屈曲叢木交映水底怪竇如瑪瑙色細蒲翠滴至此竟日忘返塢盡處有大洞如屋亦

仙境也

吳越王錢弘佐建眾善寺於臨平赤岸

仁和县志

吳越王錢弘佐建顯惠菴於臨平桐扣

仁和县志
在桐扣黃

陽鶴山

謙曰按五代史後唐明宗長興三年武肅王錢
鏐卒子元瓘立晉高祖天福六年文穆王錢元
瓘卒子弘佐立則清泰元年二年當稱元瓘而
不當稱鏐天福七年又當稱弘佐而不當書元
瓘矣前志乃吳越王混書鏐豈長興之鬼復見
於天福邪今特按史一一分屬之

臨平記卷一

十七

宋太祖皇帝乾德五年秋八月重修臨平寶幢

安平寶幢

幢碑記乾德五年
太歲丁卯八月中

太宗皇帝淳化三年改臨平法昌寺為壽寧院

成化杭州

府志

眞宗皇帝大中祥符元年改臨平佛日院為淨慧寺

萬麻杭
州府志

大中祥符間改臨平像光寺為吉祥寺

萬麻杭
州府志

謙曰移鼎易社革命之事至於寺觀仍舊可也
多一改稱即亦多一營建虛費不必言亦甚非
桑門不二之意矣

天禧初金承來監臨平都酒務
安平平院寶幢
碑承
小郭紹孔瓶山辨瓶山在臨平鎮廣嚴寺之側
一阜其傍取土者猶時有瓶遺也俗稱積久之成
平山平當是瓶字秀水亦有瓶山可證

謙曰瓶山舊傳錢王犒軍於此壘瓶而成其說
近誕今以幢碑合之郭辨此為榷酤之所無疑
矣

二年夏六月戊申重立臨平寶幢
安平院寶幢年碑
月原此寶幢始自鉅唐大中四年庚辰
正月興隨前建立洎乾德五年太平長樂鄉
永興久隳斜因修乾而寡力致損動而傾日中
為年久隳斜因修乾而寡力致損動而傾日中
月寢深五發十餘稔今安移于舊基東門十步
合院徒眾發心施長材移于舊基東門十步

臨平記卷一

續之層下載其崇樹之葬古佛遠盜無類於龍社淨
山若鴻圖恭願同人臻覺加時屬聖功資動植天利等
親若鴻圖恭願同人臻覺加時屬聖功資動植天利等
年六月戊申重立是日郡城祥符二
寶塔功德主內立賜紫以師合施珍財嚴護僧
思忠臨平都右街金鑒大紹因清辨大嚴師居
利葬此幢下酒務圓鑒大紹因清辨大嚴師居
亮賜紫善慶僧刻石郡人趙克和陶貞安平院
彩色嚴飾寶幢慶僧刻石郡人趙克和陶貞安平院
住持沙門瑞明
閣院徒弟記

謙曰真宗篤好符瑞而王欽若輩贊以封禪之
議甚至詭為降天書降聖祖復曾道釋於天安
殿一萬三千八十六人可謂惑之甚矣其下承
風遂至移寶幢葬堅固闊眉大袖君人者可不

自嚴其舉動哉

仁宗皇帝康定元年夏四月翼拱之來游臨平山細

礪洞

按洞中題云翼拱之凌晨遊此時康定元年四月八日

謙曰吾鄉有細礪洞在臨平山巔深十餘丈闊二丈五尺高一丈五尺多出礪石本草所稱礪石出臨平者卽其地也至是者無不一遊自宋至今題名者數人而已然多漶漫不可讀而攀躋洗剔得此一人亦如空谷之足音蹙然而喜矣

又曰謙聞洞中題名舊矣向未見甲申四月八

臨平記卷一

十九

日里人例有祈年之舉謙同友人往探因得見其眞蹟字在洞中東北壁惟翼字最大下兩行分書之微有丹漆乃里人郭伯翼所潤色今則剝落殆盡其筆勢遒勁如顏眞卿格眞奇蹟也洞西南又鑿有竇緘二字無年月可考亦不解其義意者遊人有竇姓者邪至於滿洞鏤刻佛像或是楊髡靈鷲之餘波也

英宗皇帝治平元年重修臨平明因寺

胡濙明因寺碑記寺於治

平元年屢有祥光靈響眾募起復

二年改臨平大安院爲大慈院

成化杭州志

改臨平安平寺為安隱寺

萬州府志

改臨平眾善寺為徧福寺

仁和县志

治平中改臨平華嚴寺為廣嚴寺

萬州府志

改臨平恩平寺為淨信寺

杭州府志

謙曰厭故喜新余又於佛寺見之矣

神宗皇帝熙寧四年夏六月臨平佛日僧契嵩卒

燈傳

錄臨平佛日契嵩禪師徧參知識得法於洞山洎東還熙寧四年六月四日晨興寫偈曰後夜山月初明吾今喜獨行不學大梅老貪隨語鼠聲至中夜而化閣維不壞者五其頂骨出舍利紅白晶潔道俗合諸不壞

趙基宏曰契嵩七歲出家十三得度十九遊方

臨平記卷一

二十

慧朗研幾聿登真果至是西歸而五種不壞洵

奇矣哉

七年秋八月述古赴南都景達原叔子中子瞻會

別於臨平桐扣鮮于樞遊記造方丈得東坡之

十三日述古赴南都率景達原叔子中子瞻會別於此熙寧七年八月十日

元豐間臨平佛日寺書藏經鮮于樞遊記入藏殿觀

有巨蛇不敢近者久矣

哲宗皇帝元祐元年夏六月楊無為司馬才仲秦少

游入臨平佛日山謁天衣塔鮮于樞遊記出藏

之左乃楊無為司馬才仲秦少游之詩楊云元祐元年六月十五日還自海上入佛日山淨慧

道場瞻禮懷禪師塔時長老弼公即阿育王大
覺禪師之嗣道予出山酌甘泉而別因各留詩
楊則手書才仲少游
之詩皆范石湖追寫

謙曰佛日一梵刹耳得諸名士烏履之及便覺
左右生光況筆墨精妙附聲施於後世邪君子
之見榮於山川固如是也

又曰述古及無為等皆字也今多不可考姑仍
舊文

紹聖二年翰林學士蔡卞請以臨平山佛院充功

德院萬麻杭州府志賜額曰勝因顯報院

謙曰立功立德不朽之事也古人勒銘封禪猶

臨平記卷一

有誇誕之譏況以佛院為功德卞謬矣

又曰按是時卞以修仁宗實錄授翰林學士致
身清要而用意空虛真季孫之旅泰矣無怪其
坦安石之牀託乘龍而假虎也

徽宗皇帝崇寧初妙湛禱雨有應剏院於臨平明因

寺居之胡澗明因寺碑記崇寧初有妙湛大師禱雨有應剏院居之

謙曰禱雨有應剏院居之醜有功也與漫建佛
寺者不同妙湛固足記也

四年帝御書一十二字賜臨平明因寺皇后亦書

三十二字並揭於華嚴寶閣胡澗明因寺碑記崇寧四年徽宗皇

帝御書守內真除外妄修覺自慧悟真如一度十二
字恭聖仁烈其意無二視無聽抱神以靜寶閣
正其心先誠滅三十二字並揭於華嚴寶閣
心生還從心滅三十二字並揭於華嚴寶閣

謙曰徽宗雅長於翰墨乃至御書賜寺明因榮
矣哉

崇寧中諡臨平佛日僧義懷

至吾行矣才曰師有何語示徒乃說偈曰紅日
挂扶桑雲封華嶽三更過鐵圍破驪龍角
才問塔已成如何是畢竟之事東原崇寧中遂
就寢推枕而寂塔全身於寺之懷舉示之諡
大振宗師

謙曰嘗攷婦人有諡自周景王之穆后始匹夫
有諡自東漢漢隱者始宦官有諡自東漢之孫

臨平記卷一

程始蠻夷有諡自東漢之莎車始第不知浮屠
之諡起於何代今天衣得振宗之號亦榮矣哉

大觀四年夏五月殿中侍御史張克公以星變應

詔上言論太師蔡京修臨平山塔

間令侍從官直言賜予以蠹國用託爵祿以
八年權震海內輕賜予以蠹國用託爵祿以
恩私役將作以葺居漕船以運花石名爲
祝聖而修塔以壯臨平之山託言灌田而決水
以符興化之識法名退逸京門爲朝子少保不
忠之罪凡數十事奏上貶京爲太子少保不出居

謙曰蔡京父準墓在臨平故修塔壯觀不意遂
入封事然京之朋奸誤國罪惡貫盈此特其一

耳徽宗逐之居外殊有敬天弭變之心奈何旋復召還太清之宴恩好愈篤卒致國滅身亡斯亦去惡不遠之過歟

宣和七年臨平湖溢建妙華菴以厭之

仁龍興志

寺在臨平鎮宋宣和七年因東湖水溢建菴鎮壓額名妙華併建普同塔一座

謙曰此踵陳主之智也然明因在西妙華在東豈陳宋二朝湖道亦稍徙邪

子聖旭聖昭聖普聖曜參較

臨平記卷之一終

臨平記卷一

二十三